

Յոյնք քահեցին զԳերեզմանն Քրիստոսի մինչ 'ի վիմա-
փոր այրն եւ զգանձարանն, այսինքն տեղի Հրեշտակի
վիմի, մինչ 'ի հիմն, և փահեցին զչրջապատս նորա տախ-
տակաւ խափանեցաւ տեղի պատկերին և կանթեզին Հայոց :
Իսկ Թէոդորոս Պատրիարք թախանձանօք խնդրէր 'ի Փոխա-
նորդէն փութով դարձուցանել զԴիոնէսիոս վարդապետ
յԱթոռն, զի չուէր զօք իրեւ զնա վարել զսաշտօն Քար-
տուղարութեան և զայլ կարեւոր գործս, բայց ազգային
երեւելիք ընտրեալ էին զարս Յ և Դիոնէսիոս ընդ նոսա
քննել զհաշուեսումարն Ս. Աթոռոյն, զոր առաքեալ էր
յառաջագոյն, և զինի աւարտելոյ զայն գործ՝ խոտացան
առաքել ընդ առմարին ('ի 12—27 Նոյեմբերի) :

Գործ Կուսակալին ընդդէմ էր կամոց քաղաքացի այ-
լազգեաց եւ Ենիշէրի զօրաց՝ սրք նստէին 'ի բերդն .
տաղտկացեալ սոցա 'ի Մղրլլի կոչեցեալ զօրաց, մեկնե-
ցան անտի որդւովք և ընտանեօք, և ցրուեցան յայլ եւ
այլ տեղիս քաղաքին : Եւ ապա ժողովեալ 'ի դատարան
խնդրէին 'ի մեծամեծացն այլազգեաց հանել անտի զօրան
և տալ ինքեանց զբերդն . ստիպէին և զՅոյնս՝ զի որպէս
առիթ եզեն բնակելոյ զօրաց անդ, այժմ եւս ստիպեցեն
զԿուսակալն հանել զնոսա անտի : Յոյնք խոտացան 'ի վե-
րին երես կատարել զխնդիր նոցա . և նոքա լռեցին աւուրս
20 : Իբրեւ տեսին Ենիշէրիք թէ անիոյթ արարին Յոյնք
զխնդրով իւրեանց՝ և սլատադեալ են 'ի գործս շինութեան,
խորհրդով գլխաւորաց քաղաքին մասն առ մասն մտին 'ի
Ս. Յարութիւն ('ի 17 Գեկտեմբերի) մինչեւ լցաւ թիւ
նոցա իբրեւ հազար, որ և յանկարծ հանին անդ չլիթ մեծ
և ալմկաւ լցին զտաճարն, և հանեալ զզէնս իւրեանց դի-
մեցին 'ի վերայ Յունաց և սկսան հարկանել, և մի ոմն 'ի
գործաւորաց մեռաւ անդ, և սպառնային մաշել զնոսա 'ի
սուր սուսերի . զի դաւաճանութեամբ առիք գրեակութիւնս
մեր ասէին՝ և արարիք զմեզ թափառական, այժմ ոչ կա-
միք լսել ձայնի մերում, ահա զլխնօրայս ձեր սահմանեմք
'ի բնակութիւն մեզ, և եթէ մեռանիլ իսկ հասանիցէ մեզ՝
պատրաստ եմք առ այն . և ընթացեալ լցան 'ի վանօրայս
Յունաց . և ոմանք մնացին 'ի տաճարին, և խնդրէին ըզ-
թարգմանն, զՓոխանորդն, զձարտարապետն և զայլ գլխա-